

RIP KIRBY

JAN BODEGOM & CO. (ARUBA N.V.)

Agente exclusivo

FRIESCHE VLAG lechl evapora y lechl en polvo.

MAXWELL HOUSE KOFFIE



DICK TRACY

presenta pa cortesía di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFF ALO ROCK--GINGER ALE



PEPITA



"SU AMANTE"

"Ambición no ta malo, maske toch bo no logra nada." Mi a ripara cu Jane a drey mira mi tata di banda. "Un di bosonan por ta asina bon, di pone awa pa traha té?", mi mama a puntra, mientras e ta recohiendo e cartanan. "Jane, bo ta sinta mas serca di e porta, bo kier bay poné?" Jane ta lanta cana bai den cushina. Mi no a hanja chens di papia cu Nico, pasobra henter ora e otronan ta presente. Ora nos a bay drumi, mi a ranké na su biza hibe den mi kamber. "Kiko Lasley a bisa e mucha na telefon?" mi a puntra anisi. "Ken bo kier meen?" Nico a puntra asombra. E ora numa el a corda y el a bisa: "Mi cielo santo, ta pesey bo a sinta henter e anochi manera un hende morto.... djes pa culpa di Mariana. Kedabo trankil, pasobra casi Lasley no a papia nada cu né." E ta bay sali cu né? "No, el a puntré na unda el a hanja su number di telefon. Y parece cu un di Lasley su colega na duné e number. E mucha muher a sigui papia, y Lasley a bisa...ta kiko el a bisa atrobe, aha, lagami pensa un ra-

to." Nico ta sera su wowonan pa por concentrá su mes mihor. "Ya mi sa", el a bisa. "El a bisa, cu ta duel é, pero aki algun dia mas e mester bay Merca. Y el a bisé tambe, cu e ta spera cu e por hanja un otro mucha hombre pa companjé. El a desee tur cos bon, y el a primintí di trece bails pé. Mi ta supone cu e mucha tabata kier pa Lasley bay fiesta cuné." Nico a agrega. Ki dia? "Diamars, pero ta net e dia ey e tin di bay Merca." Lasley no a bisami nada cu e ta bay diamars. Of kizas el a bisami e dia cu mi tabatauntu cu né den su auto y mi no a paga tinu. "No preocupabo Alida. Mi ta sigur, cu Mariana no ta nifica nada pé. Ela lagué ripara tambe." Pero amisinembargo, no a sintimi trankil. Hasta mi a sintimi jaloers caba, pasobra el a primintí di trece bails pé. Pa mi asombro, mi a ripara e siguiente mainta, cumia drumi bon e anochi anterior. Mi sonja algu cu Lasley, pero mi no por corda kiko exactamente. Mi tabata contento cu awe ta turno di papa pa hiba té ariba. Lasley tabata tin completamente

razon, tocante Clinton Blerk. Awor cu el a kere cu mi ta comprometi, su comportacion a cambia totalmente. Hasta awor mi a cumenza hanjé mas simpático. E no sa tenemi mas despues di trabao tampoco. No cu esey tabata di importancia, pasobra Lasley no tabata bin buscami, y mi sa miré solamente un rato anochi. Majoria di su tempo e sa pasa cu Nico den su kamber, pa yudé ya cu esaki ta serca di haci su examen. Diabierne anochi el a sali cu papa, y nan a bin cas te mey anochi. Mi error ta, cu mi no ta suficiente orgulloso. Na lugar di bay drumi, manera mi mama y Jane a haci, mi a keda spera nan. Ora cu nan a jega cas, mi tata a bisa: "Nos a pasamasha bon mes Alida, y manera custumber Lasley no a lagani paga nada." Papa tabata muestra masha entusiasma, mescos cu un tata cu a sali un anochi cu su jiu hombre stimá, mi a pensa "Lasley, mi no a fadabo cu mi storia di nos jardín?", pa na a puntra "No, nada di esey. Bo sa masha bon Bob, cu antes nunca mi tabata sa e diferencia entre e flornan pero poniendo

bon atencion na loke bo a papia, mi a sinja masha hopi caba di mata Si mi tabata tin mas tempo, lo mi a pasa henter un dia cu bo, den bo jardín". Lasley ta saca un sigaria y ta buscando candelita pa sende. Den mi mes mi a pensa: "Aha, majan si bo tin bo lighter, pasobra nan ta pagami, y mi ta bay cumpré di blaha." Casi mi no por warda mas, y mientras mi tabata pensando riba e lighter, Lasley a caysinta bandedi mi, riba e sofa y ta cohermi brazu. "Con bo hefe ta comporta su mes awor, Alida?" Mi a keda sinta keto. "Mihor Lasley, masha danki."

LA PAZ, --UPI-- Presidente General Rene Barrientos a indica awe cu lo e actua energicamente contra e guerrilleronan comunista cu ta opera na sudeste di Bolivia, na tempu cu su gobierno no a desmentí categoricamente e rumornan cu e detencionnan den e operacionnan contra e irregularnan a ser tortura.

Barrientos a papia den cuartel general di Fuerzanan arma y den aparente referencia na e campanja internacional pidiendo clemencia pa e ciudadano frances Regi Debray, capturadeno e zona di operacionnan, a declará: Esnan cu ta yama guerrilleronan ta baliente pa asesina y ora cu nan cai, nan ta parce di ta protega pa nodrizanan cu ta reclama leyman especial y ta invoca derechonnan cu ta venga

BOTICA

Nachtdiensten: Oranjestad Botica Aruba Tel: 1080-1081
San Nicolas Botica San Lucas: Tel: 5119
Doktersdiensten: Oranjestad - Noord 13/14/15 Mei Dr. T.H.K. Lin; San Nicolas-Sav-Sta. Cruz 13/14/15 Mei Dr. C.E. Zaandam
Protestantse Kerkdiensten: Oranjestad 14 Mei 9 uur v.m. Openbare Belijdenis des geloofs Piedra Plat 14 Mei 9 uur v.m. Ds. Visser
San Nicolas 14 Mei 10.30 v.m. Ds. Jakobs.
SEROE COLORADO COMMUNITY CHURCH:
Zondag 14 Mei: 09.30 Church School; 11.00 Engelse Dienst Ds. A. van den Doel
EVANGELISCHE BROEDERGE-MEENTE:
Zaterdag 13 Mei 19.30 Zangdienst Dakota
Zondag 14 Mei: 19.30 Preekdienst San Nicolas, Ds. A. vanden Doel. DIASABRA

PELICULA

FILMPROGRAMMA:

Zaterdag 13 Mei:
De Veer: 8.30 p.m. "Genghis Khan" 18 j
12.00 a.m. "The Poppy is also a flower" 18 j
Rialto: 8.00 p.m. "Chamber Of Horrors" 18 j
Principal: 8.00 p.m. "The Man Who Laughs" 18 j
12.00 a.m. "The Silencers" 18 j
Aurora: NO MOVIES
Savaneta: 9.00 p.m. "The Savage Guns" 18 j
DIADOMINGO
De Veer: 6.00 p.m. "Batman" all
8.30 p.m. "Genghis Khan" 18 j
Rialto: 6.00 p.m. "Abbott & Costello Meet The Ghosts" all
8.00 p.m. "Chamber Of Horrors" 18 j
Principal: 6.00 p.m. "One Spy Too Many" all
8.00 p.m. "Those Magnificent men in their Flying Machines" all
Aurora: 6.00 p.m. "Hootemanny Hoot" all
8.00 p.m. "A Fist Full of Dollars" 14 j
Savaneta: 7.00 p.m. "Frontier Rangers" 14 j
9.00 p.m. "Lord Jim" all

PROGRAMA DI TELEARUBA

5.00 Rin Tin Tin
5.30 Hollywood A Go Go
6.30 Public Service
6.45 International news in Papia-mento
7.00 Quiz, Ripiti y Gana
7.30 News Round-up
7.45 Bewitched
8.15 F-Troop
8.45 International & Local News in English
9.00 Maverick
10.00 International news in Dutch
10.05 Reporter/Gunslinger Lucy & Desi
11.00 Sign off
DIADOMINGO
5.00 Cartoons
5.30 Fury
6.00 Israel Pres.
6.15 Flintstones
6.45 International news in Papia-mento
7.00 Monkees
7.30 My favorite Martian
8.00 Local Talent Show
8.30 Combat
9.30 Invaders
10.30 Occasional Wife
11.00 Sign off

den nan loco paroxismo criminal. Nos sa kiko nos tin di haci cu asesinonan y esnan cu ta asesina jinan di Bolivia."

E prome mandatario a afirma tambe cu na unda cu aparece mercenarionan cu a ser paga pa bin mata y haci bochincha nan, lo nan ser anula pa victoria di nos soldanan."

Entretanto e comando di fuerzanan armá a expelir un comunicado den cual nan ta afirma cu prisioneronan captura den e zona di operacionnan antiguierillera lo goza di bon salud, sin cu ningun di nan, den ningun oportunidad, lo sufrí maltrato físico o moral."



PREPARACIONNAN PA CONSTRUCCION DI HOTEL SWISS CHALET NA ARUBA

ORANJESTAD - Actualmente ta permanece na Aruba srs. Pierre Greber, presidente-director di Swiss Chalet Inc., Warren L. Neil, consehero di construccion y Rein van der Zee consehero juridico di Swiss Chalet Inc. E caballeronan menciona a sostene conversacionnan cu Bestuurscollege di Aruba y alavez cu algun miembro di e Raad di Ministranan, tocante e construccion di un hotel pa e compania, "Swiss Chalet Inc." na Aruba, tocante cual ya anteriormente nos a dun publicacion.

Bestuurscollege di Aruba ta altamente contentu, cu ya por worde informa, cu sperando riba e aprobacion di Gobierno di Antillas Hulandes y Hulanda, nan a jega na un acuerdo pa e construccion di un hotel grandi y luhoso na Palm Beach door di Swiss Chalet Inc. Bestuurscollege tin special interes den e proyecto aki, como cu ta trata aki pa di promer vez, cu un compania hotelero internacionalmente renombra a dicidi di inverti su mes plaka den e construccion di un hotel na Aruba. Mas prome cu a ser pensa, a resulta aver cu e iniciativa di gobierno riba tereno di construccion di hotelnan turistico ta worde sigi den e sector particular y cu e confiansa den e desarrollo di turismo na Aruba den circulo nan di companianan hotelero orienta internacionalmente a crese bastante pa inverti nan mes e majoria parti di e capital. Swiss Chalet Inc. ta propietario y explorador di diferente hotel y restaurantnan na Puerto Rico, na St. Croix y na New York. Estableci na Puerto Rico, e compania aki ta donjo di entre otro "Hotel Da Vinci" y "Pierre Hotel" riba e isla ey. E direccion ta den man di expertonan, hopi di nan di origen suiso, kendenan a acumula conocimiento di un ensenjanza suiso den experiencia internacional.

E hotel nobo lo worde construi banda di Aruba Caribbean Hotel. Lo tin 250 apartamento y tambe e diferente otro espacionnan publico perteneciente na un hotel manera, lobby, comedor, coffee-shop y club nocturno. Tambe lo

bini un casino. Ademá lo tin un piscina, tereno pa hunga tenis, facilidatnan pa deporte acuatico y otro facilidatnan. E hotel lo worde construi mas tanto den estilo europeo contrario na Aruba Caribbean Hotel y Aruba Sheraton Hotel. E cantidad total di plaka cu ta worde inverti, ta ser calcula na siete milyon cuatro cien mil dolar mericano. Teritorio insular di Aruba lo duna pa esaki un prestamo di maximo cuatro milyon dolar mericano, siendo esaki e sesenta porciento di e plaka cu ta worde inverti di e edificio. Pa e prestamo aki Swiss Chalet Inc. lo dunaprome hypotheek riba e edificionan. Cu intermedio di gobierno di Hulanda ta worde suplica pa permiti cu e suma di ocho milyon florin antillano cual ta poni riba e lista di e segunda fase di e plannan di desarrollo, worde usa pa esaki.

E preparacionnan ya a ser cuminsa rapidamente pa e compania Swiss Chalet Inc., locual a keda comproba door di e presencia di e conseheronan juridico y tecnico durante di e segundo bishita di e presidente y director na Aruba. E conseheronan ya menciona a tene conversacionnan cabba cu instancianan local relaciona cu e preguntanan administrativo juridico y tecnico. Ta e intencion pa cuminsa e anja aki mes cu e construccion y cu e hotel lo worde habri prome cu e temporada di invierno 1969/1970. Durante e construccion por lo menos 500 obrero lo hanja oportunidad pa traha, mientras pa e exploracion di e hotel lo tuma mas o menos cuatro cien obrero den servicio.

RECEPCION MASHA CORDIAL DI PAREJA REAL JAPONES NA LIMA

LIMA --UPI-- E princesa Michiko a sufrí ayera un repentina y corto indisposicion, pero despues di siete minuut di sosiego y aire fresco el a regresa trobe na lado di Akchito, su esposo y principe heredero di Japon pa presencia inauguracion formal dje instituto cultural Peruano-Japones.

Michiko a sintie malu despues di a permanece 30 minuut den plataforma caminda e principe tabata pronunciando e discurso inaugural den cual e tabata elogiando e vinculo cu tabata existi denter di ambos pais. Ora cu el a bolbe na e plataforma, e princesa tabata bleek y e funcionarionan Japonés a pone sinta pa resto dje ceremonia.

E presidente Fernando Belaunde Terry, quende a papla despues di Akihito, a hasi su discurso mas corticu pa motibu dje indisposicion dje princesa, segun funcionarionan Peruano a informa.

Esaki tabata e punto culminante dje mainta soleada pa e bishitantenan imperial aki.

E princesa a sali for palacio presidencial, caminda e pareja tabata logeer, poco despues di 9'or, ora local y poco momento prome cu merdia el a regresa

cu su esposo y a asisti na e inauguracion. Michiko tabata combersando durante un ora, den e mainta tempran cu homber y muhenan aloja den un cas di reposo pa ancianonan desvalido, cual edificio a ser instalá pa gobierno Peruano.

Aya el a ser entrevista cu casi 40 Japonés cu ta bibando aisla di nan pais. E ancianonan a ricibi e princesa hizando banderitanan contentu segun cu e princesa tabata acercando lentamente y Michiko a recorrer tur epasillonan dje establecimiento.

Su bishita na consejo nacional di asistencia social, tabata tambe masha atractiva.

Conociendo e diferente seccionnan dje hospital aki, e princesa tabata combersa cu e enfermonan pasando major dje tempu den e maternidad, prome cu el a bishita e scol dje edificio.

Yegando na e instituto Michiko tabata parece cansa, pero el a sigui sonriendo y ta responde e saludonan di centenares di persona den nan majoria japones.

Parti p'aden dje edificio, den e hardinnan amplio -ta ser calcula cu tabatin como 5000 persona y parti p'afo 2000.

Durante e acto di inauguracion tabatin algun desmayo cu

a ser atendi den carpa di Cruz Roja pa enfermeranan Nisei.

E princesa no a desmaya, pero el a ser conduci na un habitacion caminda e por a hanja basta aire fresco. A ser prohibi entrada y aki nan a bin jama un medico, pero no a ser menciona loke e doctor a bisa cu e tabata sinti.

Funcionarionan dje instituto no a demostra nan alarma ni nervioso pa e caso y a manifesta cu e princesa solamente tabata sinti su mes de lo mashiado cansa.

Michiko a keda den e cuarto ey te despues dje inauguracion cual a dura como un ora largu. Fuera di e principe y e presidente Belaunde tambe a haci uso di palabra e embajador Nipon Zem-E-Yamazu.

Un grupo di mucha muhe chikitu japones, bisti na "kimono" a entrega varios bouquet di flor na e princesa.

No obstante su curpa debilita, Michiko a bishita despues diferente scolnan di Lima, caminda nan a entona cancionnan tipicamente japones na su honor.

ENTREGA DI DIPLOMA NA MARIA IMMACULATA

WILLEMSTAD- Dia Sabra tabatin entrega di diploma na e ultimo grupo di alumnonan di R.P. 6 cu a termina nan examen cu exito ("Staatsexamen Antillano pa Juffrouw di skool) na Maria Immaculata Lyceum. Ya pa basta anja, e training pa meneer y juffrouw di skool ta ser realisá igual cu e ley di Kweek-school Hulandes. Ata aki un lista di e hobennan cu a slaag.

Anna Cristina Beem, Carla Cratz Maria Clementina, Gerda Janga Tineke Kuster, Diana Lasten, Gilma Lasten, Carlene Peterson, Rubia Piar, Marbella Pichardo, Geraldine Sealy y Joyce Wanner. Cu acompañamentu di e banda di skool tur e alumnonan a canta "Lang zullen ze leven", loke a bai masha animá. Despues di tur e ceremonianan aki e "geslaagden" a ser ofrecé algu refrescante den Vaklokaal.


Fls. 2.618,- pa Pedro Kock

ORANJESTAD - Recientemente Kiwanis Club Aruba en colaboración cu Tele-Aruba a organisa un programa, pa recauda fondo na beneficio di e guitarrista arubano Pedro Kock, conoci como "El ciego maravilloso." E programa aki a trece un recaudacion di fls 2618. Cooperacion pa haci e show aki bira un realidad a bini di parti di diferente artistanan local e internacional.

WHITE HORSE

CAMPEON DI TUR WHISKY

Wimco





EILANDGEBIED ARUBA

HET BESTUURSCOLLEGE van het Eilandgebied roept sollicitanten op voor de betrekking van:

HOOFD van de OPENBARE SCHOOL VOOR MEER UITGEBREID LAGER ONDERWIJS BOVENBOUW te ORANJESTAD, genaamd "JULIANASCHOOL"

DEZE BETREKKING WORDT PER 1 OKTOBER a.s. VACANT. Gegadigden dienen een ruime ervaring te hebben en benoembaar zijn tot onderwijzer 1e klasse categorie B.

Sollicitaties op gezegeld papier vóór eind mei 1967 in te zenden bij het Bestuurscollege, voornoemd.

ALM LO TUMA PASONAN LEGAL SI INSINUACIONNAN SIGUI SER HASI

WILLEMSTAD- "E política di ALM awor y den futuro, ta cu vista riba turismo y pa turismo na Antillas, tin mester di tres cos: busca e turistanan, transporta nan y percura pa nan estadia riba nos islanan ta agradable", asina señor Rupplin a declara ayera tardi, en relacion cu e critica qu ultimamente tabatin di cierto banda riba e actividadnan di e compania di aviacion Antillana.

"Ta e transporte tin nos preocupacion. Si mañan e cantidad di kamernan di hotel a ser auménta, nos por bisa tambe qu Antillas ta conecta cu otro centro nan turistica?"

"Pa hasi esaki, nos mester di un flota nobo di avion - asina señor Rupplin a continua --, primeramente pa yega na un explotacion mas eficiente y pa nos amplia nos rutanan mas tantu ainda. Ora mi bai Hulanda pa pidi placa pa cumpra avion nobo, anto mester muestra cu e permisonan den su ruman qu e tin e rutan pa bula cu e avionnan qu e kier cumpra.

Mester por muestra qu por paga e placa aki back cu explotacion di e rutan aki. Mester bini cu hechonan concreto pa haña e placa aki qu ta necesario pa forma un flota di avion nobo".

Actualmente hotelnan na Corsow ta casi bashi y pesel ta necesario pa cuminsa cu un campaña grandi pa atrae turista. Ora e turistanan aki kier bini Antillas, mester por transporta nan.

E scirbimentu manera Georganiseerd Bedrijfsleven a laga publica ta malicioso pa Antillas y especialmente pa ALM. Awor aki e compania ta a punto di bira completamente Antillano y talbes intencion di e autornan di e remitido tabata bon, pero simplemente nan no ta na altura di loque nan a scirbi riba dje y door di nan ignorancia ta hasi mas malu qu bon.

Tur loque nan a hasi ta interpreta opinion di e Venezolanonan qu ta tur qu tin interesa den tin un posicion fuerte ora qu mañan nan sinta na mesa pa revisa e acuerdonan di aviacion cu Antillas y si nan sa qu comercio mes ta contra ALM, esaki

ta debilita so e por debilita e posicion di "bargaining" di ALM.

E keho di parti di un grupo na Aruba -- ni mayoria -- qu ALM no kier conecta Aruba cu Caracas ta absurdo. Gobierno di Antillas no por obliga LAV di bula pa Aruba, pero nan no kier hasiele. ALM no por obliga nan di hasi esaki, Venezuela a nenga ALM cuater vuelo regular pa siman, den cual nan tabatin intencion di conecta Aruba cu Maiquetia directamente.

Firmante

MATEO LACLE


pa medio di esaki ta participa

cu e **no ta responsabel**

pa debenan haci door di

ningun persona, sin su autorizacion por escrito.


Aruba 16 di mei 1967
Mateo Lacle.



ORANGE JUICE

Traha di appelsina fresco y rico di vitamina.....

Y



PINEAPPLE JUICE

Anasa hecho y delicioso, di Hawaii.....

Libby's

N.V. Winkel's Handel Mij. Aruba


Oranjestad

San Nicolas

NOBO NOBO NOBO
NASSAUSTRAT 34

Nos a caba di habri un coleccion nobo di fabricas den fantastico color y calidad cu no ta machika. Bunita tela diki pa cose suit pa viaja. Tela nobo di crepe y jersey. Pa bon calidad serca nos semper tin prijsnan abao.

**ABONA RIBA
ARUBAANSE
COURANT.**



Aqui nos ta mira e conocida Geraldine Chaplin durante solemnidad di apertura na Hong Kong.



Nos ta hanja aqui un bista riba e puerto di Hong Kong cu mas dilanti e afamado "Ocean Terminal", un dje "shopping-center" di mas grandi di Asia. Actualmente ta reina masha bochincha y terrorismo

aya pa motibo dje demostracionnan continuo y incidentenan denter di Guardia Rojas y ehercito comunista y e partidarianan di president Li cu ta munstra resistencia fuerte contra trupanen di Mao.

MIRA BOU DI E TAPA di

PEPSI-COLA; SEVEN UP; KIST; GRAPETTE; VICTORIA SODA-WATER.

E tapa bou di cual ta skirbi:

PREMIUM 1967

bo por cambia, tantem cu tin na stock, pa:

3 tapa - 1 ballpoint
5 tapa - 1 glas
15 tapa - 1 telefoon directory
20 tapa - 1 deskroller pat
30 tapa - 1 T-shirt
35 tapa - 1 lighter

Y SIN PAGA NINGUN CEN ASERCA.

Esaki ta worde ofreci solamente pa e fabrica di limonada di mas grandi, mas moderno y mas popular di Aruba.

VICTORIA BOTTLING COMPANY

SAN NICOLAS - Tel. 5192

Aruba Lions Club a celebra dia di mama den excelente forma



E mama saliente y esun nobo di Aruba Lions Club, despues di e instalacion diasabra anochi den Manchebo Beach Hotel. Na robez sra. Joëlla Henriquez, e mama saliente y na drechi, sra. Blanche Duplessy, e mama nobo.

ORANJESTAD - E celebracion di Dia di Mama pa Aruba Lions Club, diasabra anochi den Manchebo Beach Hotel, a hanja su punto culminante ora cu pa mas o menos diez'or senjora Blanche Duplessy a ser instala como Mama di Lions e Mama di anja pasa, senjora Joëlla Henriquez.

Despues cu e huespednan a ser introduci pa Lion Cai Juliao, presidente Everett Beaujon a dirigi palabra di bonbini, mustando entre otro riba e importancia di e anochi riba cual Lions Club pa di tanto blaha a rindi homenaje y honor na e tesoro mas valioso cu un hende tin, esta Mama. E presidente nobo recien eligi, sr. Rudi Beaujon, den un speech sentimental bon prepara, tambe a rindi honor na e ser queri aki.

Luego e Mama saliente, sra. Joëlla Henriquez, a instala e Mama di Lions 1967, sra. Blanche Duplessy, door di pega un corsage riba pecho di e mama nobo. Tanto sra. Henriquez como e ma-

ma recien instala a dirigi palabranan di gratitud pa e confianza cu a ser poni den nan.

MIEMBRONAN NOBO.

Durante e celebracion Aruba Lions Club no solamente a hanja un Mama nobo acerca, sino tambe a enriquece cu dos miembro nobo, Srs. Gerrit Morren, di Verenigde Antilliaanse Drukkerijen y Herman Schoelborgh, manager di Manchebo Beach Hotel, den un forma digno a ser instala como miembros nobo di e club.

Despues di e parti oficial, e miembros na ran esposa a permanece pa largo rato riba e teras di Manchebo pa balla riba notanan di "The Vox Stars" for di Corsow.

turblonan y fatiga di bida atake, ora cu gozo y placer y carinjo a bandona y cu fantasma di miseria y malestar a haci su entrada.

Na e momentunan ei bo unico pensamentu ta riba bo mama, pasobra bo mama ta dispuesto di tuma tur bo verdriet riba dje, contal cu e por mira abo cu ta su yu feliz.

Amor di Mama ta un amor dibina cu no ta existi nada back, pero ta dispuesto di sigui duna y sigui yuda semper bai manera un fuente inagotable.

Na momentunan di alegria yunan ingrato no ta corda at all riba nan mama, pasobra e ora ei tin amigu, pero esquinan ta un tempu.

Mama ta tapado di nos berguenza, mama ta tuma malu haci bon, mama no tin wea pa e herebe su yu, pa malu, pa ingrato y pa bandido cu e por ta.

Ningun yu no por tin ningun pafia pa su mama, pasobra e ta cumpra su pica, e ta paga pa su culpabilidad y si ta necesario e ta tuma castigo di su yu na su cuenta.

P'esei Mama, awor cu nos ta bai celebra bo dia, nos cu ta yunan agradecido y cu ta sinti cu hamas bo por muri pa nostantem cu nos tin bida, abocunos ta queda yora bo desaparicion pa tur semper, abo pa keadé nos no tin suficiente palabra pa canta bo l suficiente plabra pa canta bogloria, nos ta suplica na Dios Omnipotencia lo siguiente:

Tata Creador,
Si ta berdad tin un cielu caminda ta recompensa esnan cu a biba na mundu pa nan prohimo y a practica y aplica e ley di caridad manera Boa exige. Tene compasion cu pover alma di mi Mama.

Tene compasion cune y lag'e participa den bo Bienaventuranza pa asina tantu bondad cu el a haci desinteresadamente pa nos cu ta su yunan aqui na mundu. Dune sosiego eterno y luz eterno luza p'e.

Un yu agradecido.

Opinion di Brasil respecto e guerra na Vietnam

RIO DE JANEIRO -- UPI -- Canciller José Magalhães Pinto a bisa Diarazon, den congresonacional cu Brasil lo mantene absolutamente apartá dje lucha (di Vietnam) no obstante e hecho cu e gobierno anterior a manda medicina, dunando e yamada ayuda humana na un dje partinan den conflicto.

"Nos tin e intencion di mantene un politica di abstencion respecto e conflicto aki."

Den circulonan diplomatico dje ciudad ey hopi expresionnan a ser cuidadosamente studia, pa establece un cambio den politica Brasilenja cu respecto dje caso di Vietnam. Dia cu e tabatin e cargo di ministro di Relacionnan Exterior, durante e gobierno dje expresidente Humberto Castello Branco, Juracy Magalhães a bisa den un oportunidad cu Brasil ta apoya totalmente e politica norteamericana na Vietnam". Incluso e gobierno di Castello Branco, a manda un avion cu medicanan y alimentacion destina pa pueblo survietnamitas.

Magalhães Pinto a agrega: "Nos politica exterior lo sigui invariablemente dje condicionnan di miseria, atraso e ignorancia cu objetivo principal."

"E orientacion aki ta responde na e aspiracionnan profundo di nos pueblo, na cual ta ser impone sacrificionan inmenso pa falta di desarrollo y paralizacion" asi-

na e cancellero Magalhães Pinto a afirma.

"Lo nos mantene nos tradicion di neutralidad y pacifismo y loke nos ta intenta aworta un accion diplomatica cu ta contribui na valora nos patrimonio, buscando colaboracion externa necesario pa aceleracion di nos progreso economico y social."

Magalhães Pinto a afirma luego cu lo e trata di logra prijsnan hustu di exportacion, lo e busca un asistencia estranjeru cu lo inclui realmente un cooperacion estranjeru. Lo e trata na logra mas poca y mas fuente den proyectonan multilateral y a priminti na capital estranjeru garantianan pero no privilegianan.

E canceller quende su discurso a ser defini como explicacion dje politica cu Brasil ta bai sigui despues dje conferencia di Punta Del Este ta bisa:

"E conferencia dje presidentenan a ser dedica mas tantu na economia y desarollo cu na seguridad. Dos dirigentenan hemisferico a acepta e tesis defendi pa presidente Arthur Costa E Silva quende a muntra cu solucion dje problemanan economico y social lo ser encarga dje seguridad nacional y continental".

Magalhães Pinto a bisa cu debi na tambeo di Brasil, e integracion latinoamericana lo no ta di e mes urgencia cu pa otro estadonan menor, pero el a promete e cooperacion dje pais.

COSTURERIA BELLISIMA

a la orden



Vestido para niñas y especial de primera St. Comunion y bodas y para todas ocasiones. A la vez exquisitas pasteles y dulces.

Oranjestad Steenweg 5 ---- lado piñata

NIFICACION DI DIA DI MAMA

Dia Dominga wor mundu ta recorda y conmemora DIA DI MAMA. Nos no por hanja un palabra mas bunita pa jama e dia aqui, pasobra no solamente cu e ta Dia di Mama, pero e ta alavez Dia di Gratitud, Dia inolvidable, pasobra Mama ta e persona dibina, e persona qu ta asina dificil pa nos comprende y dune e verdadero balor y honor cu e ta merece.

Ta lastima cu muchu bez nos ta duna un persona balor tena ora cu e no ta existi mas. Ta te ora cu nos mama a muri y cu nos i sinti cu na mundu ta un hende in cu ta stima su yu, cu ta un MAMA so i ningun otro hende.

Tur otro amor pa berdadera of sincera cu e ta parce, ta desvanece y desaparece solamente pa sombra di amor di Mama.

Pasobra e amor di mama ta un amor dedicatorio, un amor desinteresado, un amor consoladora cu ta manera un fuente di bondad, un amor cu no conoce rencor, pero cu ta dispuesto tur momentu na duna pordon, pa cuantun insulto cu e por a sufrí.

No por ta existi na mundu un hende cu no ta stima su mama, pasobra si e no a haci esei na chikitu, ni na tempu di su huentud, e ta bin stima su mama ora cu e hanja sintir, ora cu dis-

THEATER DE VEER
aire acondicionado
ta presenta
Awe nochi 16 di Mei:
**Conqueror Of The World's
Mightiest Empire!**

GENGHIS KHAN
PANAVISION • TECHNICOLOR
COLUMBIA PICTURES presents
GENGHIS KHAN starring STEPHEN BOYD
JAMES MASON • ELI WALLACH
FRANCOISE DORLEAC • TELLY SAVALAS
ROBERT MORLEY • YVONNE MITCHELL
OMAR SHARIF • GENGHIS KHAN
f. 2,- 18 aña

RESULTADO LOTERIA UN YUDA OTRO

1 Premio 309
2 Premio 176
3 Premio 1675

Por pasa busca e premionan serca:

Sra. V.L. Oduber-J.G. Eman-
straat 32
Sra. Croes-Bilderdijkstraat 13



Maman e mamanan qu bai Piscadera lo pasa un ratu agradable y principalmente, nan lo ser mimá di tur manera qu ta posibel. E muchanan lo traha regalu pa nan mama bao di direccion di experto mientras qu for di awe e chefkok ta preparando e deliciasnan qu nan lo come mañan. Aki srta. Phelomeen Zielinsky ta purbando si tur cos ta bon pa mañan.

PAGINA DEPORTIVA

PRESENTA

PA:



Pareha Krullaars/Hernandez a conquista titulo den dobbel mixto

(Di nos redactor deportivo)

ORANJESTAD - Diavieirne e final di e torneo di tennis dobbel mixto a tuma lugar ariba cancha di Lago Sport Park na San Nicolas. Pa e titulo di e division A a bai e dos teamnan sra Nancy Krullaars./Ro Hernandez y sra Marjon Bakker/Albert Henriquez. Hopi parew e partido a bai na principio sin ningun di e dos teamnan ta logra traha un ventaha grandi. E score di e gamenan tabata empata cada rato y e promer set a bira uno basta largo.

Te na 9-7 a bin cu un decision na favor di e duo Bakker/Henriquez.

Despues di esey sinembargo Hernandez y su companjera Krullaars kende tabata den masha bon forma, a cuminsa ta domina e wegama. Cu shotnan bon colocan a obtene e dos promer game nan di e segundo set promer cu cede uno. Esun ey sinembargo tabata e unico cu e team di Henriquez/Bakker a gana ya cu e set a termina 6-1 na favor di Hernandez/Krullaars.

Cu e setnan empata na uno pa banda mester a wordu hunga e tercer y decisivo.

E dominio di Krullaars/Hernandez principia den e segundo set a sigi den e tercer y sin mucho dificultad nan a gana esun decisivo cu score di 6-2.

E encuentro pues a caba na favor di Hernandez y sra. Krullaars 2-1, loke a duna nan e titulo di campeon dobbel mixto di Lago Sport Park.

E titulo di subcampeon a keda pa Henriquez y su companjera sra. Bakker.

WILLEMS/JANSEN CAMPEON DOBBEL CLASE A.

Tambe den e division masculino dobbel A e final a wordu hunga durante e weekend. Diasabra atardi a topa otro riba cancha di Lago Sport Park e team forma pa Lucho Willems y Emiliano Jansen y esun forma pa Ben Cramer y J. Bruyn.

Meskos cu e atardi promer cu a wordu hunga e final di dobbel mixto e ganador di e promer set a resulta perdedor di e match decisivo.

Cu relativa facilidad Cramer y Bruyn a pone e promer set ariba nan nomber. Nan mihor dominio a resulta decisivo den e set number uno cu nan a gana 6-4. Despues di a traha un ventaha basta bon den e segundo set Cramer y Bruyn a cuminsa ta hunga cu demasiado cuidao mientras cu nan mas hoben rivalnan a sabi di haci bon uso di e chensnan cu a presenta.

E segundo set a bira uno largo terminando te na 9-7 den favor di Willems y Jansen cu asina a empata e match na un set pabanda.

Den e tercer y decisivo set nervionan a cuminsa ta hunga un rol grandi. Tambe cansancio a cuminsa ta afecta e team di Bruyn/Cramer usando bon variacion di shotnan cortico y lobnan bon coloca. E wegama termina na favor di Willems/Jansen.

Esaki a conquista e titulo di campeon dobbel masculino clase A. Bruyn/Cramer a keda subcampeon.

E mes atardi un comienso a ser haci cu e torneo AA di dobbel masculino. Den e promer wega di e division aki a enfrente otro Albert Henriquez/Edwin de Cuba y e equipo di Peter Storey/dr. Nijboer. Durante e promer set e duo De Cuba/Henriquez a hantja basta oposicion, e set a caba 8-6 den nan favor. E segundo set sinembargo a termina rapidamente cu anotacion di 6-2 na favor di De Cuba y su companjero loke a duna nan nan promer victoria den e torneo AA.

E equipo di Storey y Nijboer a keda elimina.

Proximo wega di e torneo AA ta tuma lugar majan atardi.

E team di Benny Grzeszki y dr Frans Hage ta enfrente esun di Stanley la Cruz y Herbert Maxwell.

Awe tardi ta cuminsa e torneo di dobbel femenino. Di grupo A ta hunga awe sras Nancy Krullaars y Grada Mol contra di Robles y Berghout.

Bubali y U.D. Terra Corra a empata

(Di nos redactor deportivo)

ORANJESTAD - E equipo curazonense di futbol Union Deportivo Terra Corra a logra tene e subcampeonan di Aruba Bubali na un empate di cero gol. E encuentro aki a tuma lugar diasabra anochi den presencia di un publico chikito.

Bubali a usa diferente suplente y no tabata pone interes den e wegama loke ta un lastima. Terra Corra en cambio si tabata haci tur empenjo pa logra e mihor posibel papel. Y den esaki nan a logra completamente ya cu mayoria di atakenan a bin for di nan, di cualnan varios tabata hopi peligroso. E toke final ta loke a faya den nan avansenan pa completa nan cu anotacion.

A forma parti di Bubali ainda den e wegama ey e famoso Ange Perez.

Por cierto e wegama mester wordu considera como e despedida di Ange pa e fanaticada di Aruba ya cu diadomingo anochi Ange ta viaha pa Caracas caminda e tin un contract como profesional di bai cumpli cu ne cerca e equipo Deportivo Portugues.

Ta kiko a pasa Orioles?

ORANJESTAD - Ta kiko a pasa Orioles di Baltimore? Esaki ta e pregunta cu mayoria di pelotero nan ta haciendo actualmente, sin cu ningun hende por duna un contesta logica y cabal. Unico cos: cierto te cu ainda ta cu e campeonan di 1966 ta den sotano di Liga Americana na seis wega y mei for di promer lugar cu un record te diavieirne pasa di nueve victoria y diescuater derrota. Bauer, manager di Orioles ta furiosisimo, pero e no por jega na compronde ta kiko falta e equipo.

Ta e mesun equipo di 1966, cu no solamente a gana e gallardete di Liga Americana pa un amplio margen sino cu tambe a bapulla Dodgers di Los Angeles dencuater wega sigui den serie mundial. Tabata di spera cu, cu e experiencia di campeonato, pitcher nobatonan - Palmer, McNally y Bunker - lo bai tin un gran aña na 1967, pero te cu awor nan a fracasa. Ta berdad cu Steve Barber a demostra un biha mas cu e ta den condicion, pero e so no por hiba tur epeso riba su lomba. E ta bai tin mester di ayuda anto pronto.

Juzgando bon no por pone tur e culpa di e fracaso te cu awor di Orioles riba e pitchernan. E equipo tin un promedio di bateo di 232 local ta masha inferior na 2,272 cu nan tabatin na e mesun altura di temporada aki na 1966, tempu cu Brooks Robinson, Frank Robinson y Boog Powell, huntu cu Aparicio y Curt Blefary tabata destroza tur e pitchernan di Liga Americana cu nan batazonan. Te cu diavieirne nos tin e siguiente promedionan individual di e fermidad cu e equipo ta padece di dje:

Frank Robinson 305, Curt Blefary 260, Luis Aparicio 250, Boog Powell 246, y Brooks Robinson 218. Na e altura aki di temporada aña pasa tur e pelotero nan aki tabata bati riba tres cien y Brooks Robinson tabata lider den Liga Americana den carrera empuja cu 25. Te cu awor e tercera base y cuarto bate di Orioles no a produci mas cu siete carrera y e no tin mas cu tres homerun. Aña pasa e tabatin ocho.

Ya Bauer ta papla asunto di haci cambionan den su lineup y baha

Robinson di cuatro pa sexto den e orden na bate, especialmente ora cu e pitcher contrario ta zurdo.

Un cambio di posicion den e orden na bate lo por duna resultado y ningun hende no ta duda cu alo largo Baltimore lo sali di den slump y subi na e puesto cu ta corresponde na dje den Liga Americana, pa motibu cu Baltimore ta un equipo muchu bon pa ta ocupando un puesto entre e sotaneonan. Aña pasa tur e jugadornan regular tabata bati na mesun tempu. Actualmente ta parse manera cos cu nan tur ta den un "slump tremendo local tambe a afecta nan defensa. Te ainda no tin numeritonan di e fildeo di e equiponan, pero e periodistanan cu ta reporta e bida y milagronan di Orioles di Baltimore, ta bisa cu henter e equipo ta presu di nerviosismo y cu den nan ansia pa cambia for di e equipo perdedor nan ta cometiendo errornan estúpido, tantu esnan cu ta worde anota den boxscorenan como e errornan mental cu no ta worde anota riba e jugadornan oficialmente.

Aparte di e mal actuacion di Orioles, mester anota tambe cu Liga Americana ta mas fuerte y mas consistente e aña aki cu na 1966. Por ehemplo Tigres di Detroit, Cleveland, Minnesota, Medias Blancas y Medias Rojas ta superando nan actuacion di aña pasa y si nan sigi manera nan ta bai awor y cu Orioles sali for di den slump e liga mas joven di baseball e temporada aki lo por bira escenario di uno di e competencianan mas cayente di su historia.

Medidanan drastica tuma pa gobierno nobo di Grecia

ATENAS, --UPI -- E gobierno nobo di Grecia a defende su decision awor di destitui e primado di iglesia Ortodoxa y tambe su cuerpo gobernante e santo sinodo como actonan autoriza pa constitucion dje pais. E exvicepresidente di tribunal supremo y actual ministro di educacion nacional, Constantine Malabokias, a declara den un entrevista cu United Press International, cu nos no a haci ningun precedente na destitui santo sinodo.

Kallabokias a recorda den tal

sentido cu e decision tabata ser adopta pa gobiernonan di 1917, 1923, 1938 y 1945. E ultimo bez aki tabata obra di arzobispo Danaskinos, quende tabata regente di Grecia, despues di segunda guerra mundial.

Estado Griego no tin derecho di interveni den asuntos interior di iglesia ora cu ta trata riba materianan tocante e dogma, e culto y ley nan eclesiastica, asina e ministro a bisa. "E ley nan eclesiastica ta protega pa Constitucion Griega. Ta deber y obligacion di estado

di respecta e reglanan aki.

E funcionario a bisa cu nana ordena na e patriarca di iglesia Griega, arzobispo Chrysostomos a ser ordena na retire debi na su edad avanza y na su cionnan serio di curazon, cuinan ta impide na cumpli virtualmente cu su funcionnan.

E arzobispo aki tin 88 aña di edad.

Kallabokias a bisa na e mes tempu cu e retiro na 80 aña di edad a ser institui pa miembronan di Clero pa e gobierno di exministro Stefanos Steohanopoulos, na principio di aña e exrepresentante a bisa na e primado.

"Sinembargo", e ministro a bisa: "Nos a dicidi na aplica e retiro obligatorio pa e edad dje arzobispo Chrysostomos, pasobra te un homber masha bieu y en fermiso."

Bao dje disposicion gubernamental, e 8,200 sacerdote y e 77 obisponan di Grecia mester nombra tres dje ultimonan aki manente.

Rey Constantino probablemente aconseha pa e regimen militar, dje manera ey lo selecciona e arzobispo nobo.

Nos ta spera cu e primado nobo lo ser nombra mas pronto posible.", Kallabokias a bisa.

Na principio dje siman aki e gobierno a anuncia nombramiento dje obispo di Patras, Constantine, como reemplazante interino di iglesia Ortodoxa Griega.

LISBOA --UPI -- Cardenal Jose da Costa Nunes, legado di Papa Paulo VI, den su proximo peregrinacion pa Fatima, a ricibi un cordial bonbini na su yegada na Lisboa.

Na momentu cu el a baha na e aeropuerto di Portela for di e avion DC-8 den cua avion e cardenal tabata biahando cu su comitiva di 17 persona, un awacera leve tabata cay y tabatin un biento fuerte, sinembargo esey no a desluci e recepcion.

Tabata presente pa ricibie cardenal prome ministro Antonio de Oliveira Salazar, e patriarca di Lisboa, Don Manuel Goncalves Cerejeira y e nuncio papal Monsenhor Makilien de Furstenberg.

General Humberto Pais a representar Presidente Americo Thomaz na e ocasion aki.

Tur e presentenan a shake hand cu e cardinal quende despues a pasa revista na un compania di solda portuges cu a mantene nan rigidamente riba nan pia riba e pista azota pa jobida. Un banda militar a toca himno nacional.

Na terminacion di e recepcion na aeropuerto e cardenal y su comitiva a trasiada pa palacio di Queluz caminda su Eminencia lo hospeda durante e dianan aki di peregrinacion.

Centenares di persona a congregate na enter e largura dje ruta entre e aeropuerto y palacio di Queluz y otro centenares tabata observa nan for di nan bentananan di edificio.

Cardenal da Costa Nunes quende tin 87 aña di edad, a declara abordo dje avion denentrevista cu un representante di United Press International cu lo e espera e multitud di peregrinonan entre un millon y mei pa dos millon.

PERISCOPIO MUNDIAL

Papa na Santuario di Fatima, resando pa paz mundial.

FATIMA -- Su Santidad Papa Paulo Sexto awe a haci un peregrinacion pa Portugal pa resa pa paz mundial den e santuario di Fatima, ta na e lugar caminda 50 anja pasa La Birgen a aparece na 3 muchas campesinas. E avion cu a hiba Papa a bula hopi abow, over di santuario, mientras cu un multitud cu ta ser calcula na mas di 200,000 persona tabata aclama e Sumo Pontifice y tabata zwaai den lensunan di man como saludo.

Gaulle ta preparando pa e welga di 17 di mei - keho contra Georges Pompidou.

PARIS--Gobierno di Presidente Charles de Gaulle, cu e siman aki hanja su mes dilanti di un prueba politico crucial, sin poseer un mayoria den Asamblea Nacional, awe tabata prepara pa mantene tur normal den e welga cu a ser proponé pa 24 ora riba dia 17 di mei. E republicanonan independiente, encabesá pa e exminister di finanzas Valéry Giscard d'Estaing, a anuncia ayera cu e 44 miembronan di e partido den parlamento lo ta liber pa vota manera nan ta desea, riba mocion di censura na gobierno, dia 20 di Mei proximo.

Mocion, presentá pa e Comunistanan y e federacion Izquierda ta un protesta contra e promer Minister Georges Pompidou onde a pidi facultadnan special pa goberná pa decreto afin di lo pone den practica un serie di reformationnan economico y social, urgentemente requeri, sin atraso cu por ser ocasioná door di batenan y votacionnan den Parlamento.

Cambionan drastico den iglesia

Ortodox Griego..

ENAS -- Ta ser sperá cu Rey Constantino awe lo designá e Arzobispo nobo di iglesia Ortodox Griega. E arzobispo cu mester reemplaza Arzobispo Chrysostomos lo ser elige den un terna door di cleronan Ortodox.

Un di e favoritonan ta e Archimadrita Jerome Kotsonis, capellan d' soberano. Chrysostomos a ser automaticamente retirá for di su puesto, ora e regimen nobo apoyá pa ehército a fiha te 80 anja e edad pensioen pa inclui e Arzobispo. Promer cu esaki tabata e edad hubilacion di e clerigonan cu excepcion di Arzobispo. Gobierno bise cu Chrysostomos cu tin 88 anja di edad, a ser retita como ta gravemente enfermo di un afeccion cardiaco cu ta haciele incapaz di haci su trabaoan apropiadamente.

Igualmente Santo Sinodon a ser destitui, cual organismo di Iglesia Ortodox Griego - y a reduci e numero di su miembronan di 12 pa 10. Minister di Educacion Nacional, Constantine Kalabokias a declara ayera cu e constitucion ta duna Gobierno derechi pa destitui Santo Sinodon.

Un morto y dos aresto di guerrillero Cubano a Caracas.

CARACAS -- Presidente Raul Leoni a reiterá cu Venezuela lo protesta formalmente ante e organizacion di Estados Americanos (OEA) e invasion armá den su teritorio a cargo di un forza di desembarco cu a ser manda for di Cuba, consistiendo di llguerrillero Castro-Comunista.

E presidente a formula su anuncio na Porlamar (isla Margarita) pa unda e la viahaefindi siman aki pa dirigi palabra na e federacion di Camara di Comercio e Industria, mientras e ministerionan di exterior y e defensa den e capital aki a revelá e detallenan di e ultimo acto di agresion pa parti di Cuba.

Personan di ehército empenjá den e lucha anti-guerrillera, segun e anuncio a mata un teniente di e forsan armá revolucionario di Cuba a captura otro oficial y un militar di e mes nacionalidad cu tabata encabesá e grupo invasor cu a ser descubri na cuminsamentu di e viaje aki, mas o menos 100 kilometer, Este di Caracas.

CASTIGO PA

LADRONICIA

ORANJESTAD - Apenas binti anja ta edad di e joven acusado W.H. kende tambe mester a presentá dilanti juez diavleerne main- acusa di un serie di ladronicia. Di dia prome di februari pa binti siete di maart e joven aki comete no menos cu nuebe robo en cas y negoshinan na San Nicolas. Entre otro el a horta for den un lavandería, National Grocery y tambe for di den

Johnson's Enterprises. Tambe e joven aki ta worde acusa di a drumi pa espacio di varios dia den un cas di cual e donjonan tabata den exterior. Ta trata aki di un joven cu ya ta diferente biaha cu e ta presenta dilanti juez acusa di ladronicia. E joven aki ta bau di tratamentu di reclassering, pero e ta presenta na oficina di e instancia menciona solamente ora cu e tin mester di un of otro cos. Miembronan di reclassering a traha fervorosamente pa e hanja un barcu riba cual e por bai nabega ya cu esaki ta e unico cos cu e por haci.

Ora cu e miembronan di e instancia aki a logra hanja un barcu p'e, eia dices keda sin bai cu e barcu, e representante di reclassering a bisa juez cu e caso di e acusado aki ta un caso sin remedi, comokiera cu e acusado mes no kier coopera en lo minimo pa hasi algu bon di su bida.

E acusado aki ya tin seis anja ta bida riba su mes, pues e no ta bau di cuidu di su majornan. Juez mr. M. Wijnholt, a dicidi di suspende e caso den espera di rapport di psiquiatra y continuacion di e rapport di reclassering.



Con leeuw por bai den abusa di libertad di expresion?

Semper ta difícil pa haña contestanan facil riba preguntanan difícil.

Na Merca recientemente, e accion reciente di un editor ta ilustra e problema.

Un corant universitario, repetidamente a imprimi copia di otro publicacionnan, qu tabata ser considera nada otro sino porkaria. Finalmente doño di e drukkerij mes a tuma accion. El a imprimi e corant pero lagando afor e columnanan contra cualnan e tabatin algu.

Estableciendo definitivamente kiko tabata su posicion, e asunto a bira actual y a duna e controversia mas dimension.

Ta trata aki di un situacion qu ta bale la pena pa ser considera door di comunidannan tur caminda y no solamente riba campus universitario.

Ta logico, qu loque parti di e hendenan qu ta biba den un comunidad ta pensa, ta pover of ta prueba di mal gusto y hasta por ser considera como pornografico door di otro hendenan, segun loque ta permisiblen bato di e capa di libertad di expresion.

Pero pesel mes, si nos ignora e responsabilidad pa e extilo di loque ta ser scirbi, e calidad di loque ser publica y e calidad general di e comunidad caminda e cosnan aki ta sosode, pasobra tin garantia di libertad, ta di nenga qu nos tin responsabilidad pa e cosnan aki.

E comentario di hues Oliver Wendell Holmes ta sumamente apropiado pa e situacion aki: "Nos tin libertad di expresion, pero esaki no ta duna nos derecho di lanta para den un teater yen y grita "Candela".

Di otro un banda tin un peliger serio den e clase di censura qu nos a menciona anteriormente. E doño di e drukkerij a fiha su posicion pero esaki riba su mes ta encerra posibilidadnan difícil.

Ta masha bon qu e ta contra pornografia, pero e sistema qu el a practica pa laga nan afor, ta causa problema. En realidad, e no tabatin obligacion di imprimi e corant ningu momento so; pero awor qu el a laga cierto columnanan afor, el a crea un confusion.

Hopi aña pasá un observador di loque ta pasando den e ramo di publicidad, a conseha e hendenan qu tabata scuchele, pa no adora e Dios di nan enemigunan. El a muestra qu frecuente nan ta tratando di elimina comunismo door di usa e mesun sorto di dictadura. El a muestra qu tin biaha un comunidad of autoridadnan ta combati suciedad y mala gusto door di usa un accion qu ta mas rabioso y mas radical.

Segun e observador aki, ta tempu pa tur caminda nan cuminsa realisa qu ta dos parti tin responsabilidad mutuo pa crea bon gusto y libertad di expresion responsabel. Den e caso qu nos a muestra como ehempel, doño di e imprenta tabata frustray a tuma un paso drastico.

Awor e estudiantenan ta frustrá y nan ta sinti qu nan mester protesta.

Pero ken realmente ta preocupa pa loque ta e punto cardinal den henter e conflicto aki?

E punto cardinal ta sinti den qu mester crea un mentalidad qu ta ser comparti door di varios generacion cu e libertad pa di un manera creativo, explora y fortifica e responsabilidad di libertad di expresion.

E cos aki talbes ta difícil pa ser discuti den seno familiar pero di tur manera e ta interesante pa ser considera como tema di discusion den varios otro sector di un comunidad.

Welga di obreronan ferroviarios ta bira mas y mas extenso

GUAYAQUIL -UPI - E tension ta creciendo awor mas y mas na e capital economica di Ecuador, mientras ferroviarios na welga ta exhibiendo cadavernan di tres hoben cu a ser mata ayera noch pa fuerza publico durante e chokean violento cu a ocurri den e cercana poblacion di Duran.

E welga di 5000 ferroviarios cu desde dos siman tin bida comercial paraliza aki, a haci e lugar aki y su habitantenan ta sufrir di diferente cos.

Un parti grandi dje demas obreronan dje ciudad ta munstrando solidaridad cu e welgistanan y hasta si e situacion aki no drecha lo tin un welga general di otro sorto di actividadnan.

E violencia a cuminsa segun tabata birando mas atardi, ora cu Dia Huebs un grupo di muhernan a recorrecayanan di Duran incitando na e poblacion pa interrumpi di e manera eye e servicio di transportacion entre e centro ferroviario y e importante puerto di Pacifico.

Trupanen di ehército anteriormente destaca den e zona pa evita posible incidentenan a disparar anto nan armanan den laria y a lanza bombanan lacrimogeno pa plama e manifestantenan.

Sin embargo den orana di anochi homber- y muhernan a uni trobe den un marcha nobo cu tabata bai adquiriendo proporcionnan cada

bez mas serio y algun dje integrantesnan a cende un edificio oficial na candela y nan tabatin intencion na haci mescos cu e deposito di gasolin den puerto. Fuerza publica a interveni pa di segundo bez riba e dia ey y e descarganan di fusileria a continua te despues di mei-anochi, lagando atras e dramático saldo di morto - y heridonan.

E tres victimanan quendenan su cadaver e welgistanan a exhibi ayera durante un demostracion gigantesco den e lugarnan ferroviario a ocasiona riba su mes caba un segundo peliger. E hobenan cu a muri ta un estudiante di 19 anja, Vicente Tola, un ex-marino di 20 anja; y Maximo Paz di 23 anja di edad, quende nan a bisa a presencia cu algun amigu, desde un esquina e desarrollo dje acontecimientonan.

Den hospital di Guayaquil entre tanto, mediconan a saca ayera un bala for di pia robez di un otro hoben di 21 anja, Gustavo Ruiz, mientras na e mes tempu a ser informa cu e poliz Elias Alvarez a ricibi un balazo den braza izquierda y Jorge Salazar un proyectil di amatrallador den un pia.

Segun nan ta bisa, dos muhe a ser trata tambe pa asfixia y nan ta bisa cu esey ta bini foi consecuencia dje gasnan lacrimogeno cu te ainda ta haci e atmosfera di Duran irrespirable. E accidentenan aki a ocurri Diahuebs y nan tragico consecuencia a causa creciente tension na Duran y e lugarnan den cercania manera Guayaquil, informando den fuentenan autoriza, nan a solicita na ministerio di defensa pa esaki reemplaza dje compania di ehército cu a ser manda aya pa resguarda orden na Duran.

E trupanen a tuma posicion na largura dje linea ferroviaria di 500 kilometer cu ta uni Quito y Guayaquil, mas di dos siman pasa ora cu nan a cuminsa e welga di obreronan di riel.

Ta mas cu claro cu e welga aki cu ta birando dia pa dia mas grandi, ta hanja cooperacion di otro seccionnan di obrero cu i yuda e welgistanan te ora cu nan obliga gobierno na duna nan e salario cu nan a exigí.

COMO TRES MILLON HENDE A BISHITA FATIMA

FATIMA (PORTUGAL)-UPI-Centenas de fielnan, vanguardia di un concurrencia enorme, cuprobablemente lo alcanza tres million y mei di persona, a cuminsa yega na e santuario ei pa duna Dia Sabra nan saludo di bonbini na Papa Paulo VI.

Algun hende a biaha na pia durante ocho dia pa nan mira Sumo Pontifice y reza huntu cu ne pa paz na Vietnam y riba enter mundu. Otronan a bini pa jama danki pa e paz den nan propio bida y di nan queridonan.

Masha hopi muhe a bini Fatima na tur sorto di manera y ocasion aunke cu Papa lo no ta presente pa conmemora di 50 aniversario dje aparicion milagroso dje virgen cu a aparece riba un cerru aya den cercania.

Poco mas dje 50 porciento dje 9.500.000 persona cu ta biba aya ta calotico. Millares di nan ta proyecta na bini Fatima majan pa celebra quincagesima aniversario di aparicion di e virgen, pero e posibilidad di mira Su Santidad, ta haci cu e cifre lo bira como 3.500.000 bishitante dje caja aqui.

E casnan di pension y e hotelnan chikitu dje ciudad masha dia caba a comprometi. No obstante tur esei, e bishitantenan ta sigul fluyendo na pia desde centenares di kilometernan di distancia sin temor dje interperle den ta quico a pasa.

E peregrinonan ta den nan mayoría muhernan cu a yega equilibrando nan pertenencianan baratica cu nan ta carga den nan cabez.

PRESION DI SANGER

Pa: Dr. A.J. Samander

"Ta solamente un manera tin pa conoce bo mes y esaki ta si bo conoce bo mes bon".

Casi tur hende ta stuur auto y casi tur hende sa cuanto presion e aire den nan tire mester tin, pero cuanto hende ta na altura kiko e presion mester ta den nos curpa?

E promer pruebanan qu nan a hasi pa studia e presion di sanger tabata riba un cabai y despues di esei, nan a traha aparatonan pa determina presion di sanger pa ser usá cu sernan humano.

En realidad bo presion di sanger ta consisti di dos cifra, por ehempel 120/80. Esaki ta e presion den bo venanan qu ta bao di bo cueru y generalmente nan ta midiele na bo elleboog.

E promer cifra ta indica e presion den bo vena na momento qu bo curason pusha e sanger door di bo venanan y e segundo cifra ta indica e presion na momento qu bo curason ta ser re-llená.

Tin hopi cos qu por produci un cambio den bo presion di sanger; algun cambio ta temporal mientras qu otro nan por ta permanente. Si un mucha muher bunita cana pasa banda di bo den un "mini skirt" bo presion di sanger por subi, pero pronto e ta bira normal atrobe.

Si bo ta un persona masha nervioso y bo ta di famia cu hopi hende qu tabata sufrí di presion haltu, ta casi sigur qu bo tambe lo bin sufrí di presion di sanger.

Sinembargo, un presion normal tambe por varia y sinembargo e ta keda normal. POR EHEMPEL:

Posicion: Ora bo drumi abao of bo ta na soño, bo presion ta poco mas abao, basta bo no tin nachtmerríe, sino e ta subi.

Alcohol: Estudio riba presion den un prison grandi a muestra qu alcohol ta baha presion di sanger un tiki.

Humamentu: Estudionan a muestra qu humamente a causa aumento di presion di sanger den mayoria di e patientnan qu nan a test.

Gordura: Mayoria di hendenan gordo tin presion mas haltu cu nan anigunan mas delega; pero nan presion di sanger lo bira normal si nan baha di peso.

Rasa: Nan a haña sa qu hendenan na China en general tin presion di sanger mas abao qu hendenan qu ta biba na Merca. Pero ora nan a hasi un estudio di 60 mericano qu a biba mas qu tres aña na China, nan a ripara qu presion di e hendenan aki tambe a baha.

Awor nos ta yega na e pregunta, kiko ta un presion di sanger normal? Ta sumamente difícil pa establece kiko normal mes. Sinembargo, si un persona tabatin un presion pa años caba di digamos 140/85, y di repente e ta bira 90/60, anto tin algu malu. Pero si semper un persona tabatin un presion di 90/60 anto esaki riba su mes no ta tan malu.


Generalmente nos por bisa qu e minimo pa un presion normal di sanger ta 90/60 y e maximo qu ta ser permiti pa companianan di aseguro ta di 140/90 pa 160/90.

Si bo laga bo dokter check bo presion, esaki casi semper por avisele qu si tin peliger na caminda y semper ta bale la pena pa hasi e esfuerço y gasta e placa aki.

Finalmente, corda semper qu bo presion di sanger por varia di 140/80 pa 125/84 y 145/86 pero e ta keda normal si.

**Mescos cu mundu ta cambiando
Bo presion lo ta variando.**

REPRESENTANTENAN DI OCEAN TERMINAL NA HONG KONG A BISHITA CORSOW



WILLEMSTAD, -- Hong Kong ta un di e haafnan mas frecuentá na mundu; e ta un centro importante di comercio pa hopi pais. Debi na su posicion geografico y su prestigio, Hong Kong por ser jamá e deposito di mundu. Y ta aki Ocean Terminal ta situá. E Oceano Terminal ta algu manera nos "Colon Winkencentrum" pero di escala imensamente mas grandi. Infact e ta e centro mas grandi

di compras na Asia. Construi riba e pier mas grandi di Asia, Ocean Terminal tin un total di 120 pacus hyper-moderno. Delaster cos cu bo por imaginabo ta representá den e chain di negoshi aki.

Djies pa menciona algun: pacus di aquarium, showroom di auto, servicio di auto, entre otro parkeer, bazaar y banco. Tin hasta pacus cu ta bende tapij: sò, naturalmente tin liberia, pacusan fotografico y electrónico, restaurant y bar y hasta lugar cu ta bende boto. E bendementu di boto aki ta algu logico, aunke na cuminsamentu lo bo hanjele poco stranjero. Pero Ocean Terminal, ta situá riba un pier-mañera nos a contabo awor ey, e ta un edificio di dos verdieping y su posicion estratégico ta un ventaha enorme, pasobra asina e turistanan baha for di nan bapor nan ta den e centro caba.

Sra. Pamela Barton cu tin un pacus di bisti den Ocean Terminal a duna nos un relato masha

interesante riba esaki.

Igual cu Corsow, cu for di 1921 ta e centro mas grandi di compras na Caribe, Ocean Terminal ta esun mas grandi di Este. Sra. Burton cu ta donjo di pacus y su manager John Vasconcelles ta haciendo un gira rond mundu pa cumpra bistin pa bende na Hong Kong. Ya nan a pasa na Australia caba, caminda nan tabata huesped di Gobierno di Australia. Manera tur hende, nan tambe ta encantá cu nos isla, nan ta gusta e sistema cu nan por haci compras na nan smaak sin mester haci purá pasobra miles di hende ta pushabo, hanshabo, manera ta normal den e capitalnan grandi.

Sinembargo e ta haña cu hopi por ser haci pa desarolla nos turismo mas favorabel, y esaki ta djies un tip chikitu, pero e ta juda hopi, pone prijs di mercancia den etalage, por ponele den US dolar, pero esencial tambe ta pa ponele na placa local. Manera el a conta nos, awe nan ta sigui nan gira pa Trinidad Surinam, Lisbaio y otro pais te nan regresá Hong Kong. Nan a jega aki diarason for di EXPO'67 di Canada.

Na Pamela su pacus, bo por hanja servicio personal, esta un hende ta atendebo of self-service, e ora ey, bo mes ta cana rond sosegá, wak tur cos cu bo ke. E bistin ta di tur parti di mundu, loke e gira aki ta, pa realisa compras di bisti.

Pa bini back riba nos relato di Ocean Terminal, esaki a ser inaugurá anja pasa na maart. pier tin un largura di 250 meter den haaf. E hendenan ta ser ricibi directamente for di e bapornan den e gangnan airecondicionado.

Den e comfort di loke ta ser jama e "Concourse" na ta hanja nan equitahé, nan por cambia nan cen, topa cu nan amigos y hanja tur informacion gula turistico cu nan ke.

Den e Ocean Terminal mes, na ta bende tur cos, for di hand schoen te auto.

Tin, lugarnan di exhibicion arte, cu un variedad di atraccion cu ta haci Ocean Terminal ta ser explotá pa Hongkong

& Kowloon Wharf & Godown Co. Ltd. cual ta e principal donjo den haaf di Hong Kong. Su posicion unico ta lamente duna servicionan indispensable cu ta di importancia internacional. E compania a desarolla un sistema pa expande su servicionan y awor 4 bapor grandi por mara na e pier na mes momento. Documentacion eficiente algo vital pa tur comerciante of donjo di bapor ta un parti integral di sistema di e compania.

Un departamento di mas cu 30 personal di train ta duna conseja riba procedimientonan documentario.

LIMA --UPI-- Ochenta y cinco mil maestro publico di enseñanza primaria y secundaria lo cuminsa un welga indefini Dialuna cu ta bini.

Dirigenten dje organizacion nan cu ta agrupa e maestronan a duna gobierno 72 ora pa pensa y anula un ley den asunto di educacion cu ta perjudicial pa nan y di cambia e ley di congelacion di sueldonan cu ta dirigi pa empleadonan di estado. Nan ta existi aumento di sueldo of dialuna 85.000 maestro na Lima ta pone trabao abao. Y nan desicion ta serio y nan plannan ta masha bon organisa.

Gratificatie pa hendenan cu a bai cu pensioen

WILLEMSTAD- Manera ta conocido, Gobierno di Antillas Neerlandes ta duna, tantu obreronan como ambtenaarnan un gratificatie ora nan cumpli un ciertocantidad di anja den servicio.

Awor, Gobierno a dicidi pa, cuminsando dia promer di mei 1967,

hendenan cu ta sali for di servicio como nan a alcansa e edad cu tin derechi riba pensioen, pasobra nan a ser "afgekeurd" nan tin e edad maximo despues di un cierto tempu di servicio tambe lo hanja un premie of gratificatie.


E premie of gratificatie cu ta ser obsequiá na hubileonan di 25 anja di servicio constante no ta ser cambia.

Ladron di cartera

SAN NICOLAS - Diajueves anochi un dama a duna keho na recherche di San Nicolas cu un homber a horta su cartera conteniendo cincuenta florin. Ta trata aki di un caso un poco stranjero.

E homer en cuestion, kende e dama no conoce, a jega cerca e dama haciendo comosifuera e tabata bai sostene un conversacion serio.



Na un dado momento eia ranka e cartera for di e dama y core limpi bai cun'e. Recherche mester hanja e tipo aki.



Los señonan riba e foto aki ta Democraat "te den nan flie" pa hasi un variacion riba e dicho tan conocido riba Corsow. Nan ta R.D. Papa y E.M. Molina ambos biba den Makreelstraat den Marie Pompoen y quendenan a traha nan flie pa subiele haltu haltu despues di e gran victoria di Partido Democratico di gubierne proximo.

BUCHI ROBES

pa cortesia di **N.V. F A T U M** Verzekeringsmij.
Tel. 1845 - 1283 pa tur sorto di seguro.



ANN LANDERS

QUERIDA ANN LANDERS :
Cu placer mi sa recordá ehen-
denan cu a scirbibo cón nan a
canta na nan mes casamentu.

Y despues di algun siman un o-
tro grupo a scirbi, bisando
cu esnan promer mester a per-
de cabes huntu cu e padernan y
dominan cu a permiti tal cos.

M'a discuti ambos caso cu mi
amigunan y algun di nan tabata
firmemente convenci cu ta bo lo
mester a fantaseer e cartanan
ey, pasobra ningun hende por ta
ensa asina.

M'a hanja mi chens poco dia
ey, ora ribafrontpage di un co-
rant a sali e casamentu di ca-
samentunan. E bruid tabatabisti
na pretu, e jaja di strooister
tabata cana den Evacostum (su-
nú) E padrino tabata e poeta
beatnik, Allan Ginsberg.

E "Bruidgom" a bisa cu su
dos casamentunan anterior taba-
ta Cristian y tur dos a termi-
na den divorcio, welawor akiela
dició di purba e ruta di paga-
no.

Si cualkier hende acusabo di
fantaseer carta, djies contanan
di e casamentu aki -- Observa-
dor.

Querida Observador :

Lo mi mester ta psicótico pa
pensa tantu carta asina cu ta
sali den e espacioaki. Dia cu mi
no por produci un columna legi-
timo for di e 350.000 carta
cu mi ta hanja pa anja, mi ta
kita for di trabao.

QUERIDA ANN LANDERS :

Recientemente un mama di Or-
lando, (Florida) a scirbibo, ke-
hando cu skool nan a manda un
circulario pa mamanan supervi-
sá e estudiantenan durante ora
di lunch. E mama tabata indigná
-- e tabata furioso pasobra se-
gun, é, e skool ta larga e ma-

manan hacitrabao di meneernan
di skool.

Ami ta un juffrouw di skool,
cuai su ora di lunch ta bai pa
tene bista riba e muchanan y
esaki ta algo ridiculo. Pará ri-
ba mi pia mi mester come pi-
da pan (e otro juffrouw y me-
neernan di skool mester haci
mescos). Nos ta supervisá 180
muchu. Nos dia ta cuminsa for
di mitar di ocho mainta y nos
mester sigui te merdia sin un
chens ni pa poeioe nos cara.

Ta di comprende cu si nos
mester waak e muchanan tambe
nos ta resultá morto cansá
y meneer y juffrouw di skool can-
sá no por haci nan best pa e
muchanan.

Mi ta eens cu e mama di Orlan-
do cu mamanan no mester ser-
jamá pa traha como voluntario.
Supervision di mucha ta un tra-
bow cu mester ser haci door
di personal di train. -- Virginia.

QUERIDA VIRGINIA --

Juffrouw y meneernan di skool
di varios parti a scirbi nos,
expresando nan opinion riba e
topico aki. Casi tur hende cu a
scirbi a sugeri cu realmente
e unico solucion ta pa skoolnan
mes pone hende di train na
trabow.

LA PAZ -- UPI -- Mama di Juan
Lechini Oquendo, Juana Oquendo
de Deicadillo, a yega e capital
aki for di Oruro y el a dirigi un
carta na opinion publica acla-
rando e situacion dje nacionali-
dad di su jiu frente e actitud
dje autoridadnan Bolivariana y
Chilenja.

"Mi jiu a nace foi mi entranjas,
na Corocoro, departamentu di
La Paz, dia 12 di Mei 1912," asina
e mama a bisa.

"Su tata tabata Juan Lechini y su
padrinonan di bautizo tabata doc-
tor Miguel Guisber y Rosa
Cusicanqui de Guisber.

Su ruman muhe Victoria ta bi-
ba cerca mi na Oruro, huntu cu
otro rumannan homber y muhe di
mi segundo casá.

"Mi jiu ta Boliviano y e ta un
gran patriota cu ta sirbi su país
te na e limite di mas haltu
cu ta permiti periodismo, omi-
tando utiliza prensa stranjera
como palestra revolucionaria
y a prefera na warda silencio
riba e tenebroso asuntunan di po-
litica Boliviano, manera ta ser
constata den su declaracionnan
na Arica (Chile) caminda el a
ser deteni."

Luego el a continua diciendo :
"Quende cu no ta tralciona y no
ta renegado, e revolucionario
berdadero no solamente tin e de-
recho sino e obligacion di utili-
za e incognito, e pseudonimo,
den e lucha clandestina na loke
ta empuja pa supresion di li-
bertadnan publica cu ta haci
dictadornan di tur tempu.

Pa finaliza el a bisa :
"Mi tin den mi poder docu-
mentonan di bator incontroverti-
ble cu mi ta dispuesto na presen-
ta dñant cualkier autoridad im-
parcial cu ta designa boz popu-
lar, si nan no haci husticia
awor na mi jiu.

HOROSCOPO

ARIES- mar. 21 a abril 19-Un
día ideal para visitar sus buenas
relaciones y amistades y hablar
de lo que tenga más en mente.
Evite discusiones en su hogar.
No haga nada que ponga en peli-
gro su seguridad.

TAURO- abril 20 a mayo 20-
Reúnase con amigos y ayúdelos
con sus problemas difíciles de
resolver. Esto le traerá el res-
paldó que necesita. El éxito co-
mencerá telefoneando. Muéstre-
se más dinámico que en el pasa-
do.

GEMINIS- mayo 21 a jun. 20-Us-
ted podrá reunirse hoy con com-
pañeros fascinantes, pero no siga
demorándose en lo que respeta
a los asuntos financieros. Olvi-
de las ansiedades y muéstrese
muy social. Ganará más.

CANCER- jun. 21 a jul. 22-Es
mejor que escuche las ideas de
individuos poderosos en vez de
exponer las suyas, que son algo
impracticables ahora. Preocúpe-
se más de sus propios asuntos.
Use su sentido común.

LEO- jul. 23 a ago. 22-Eleve
su conciencia a ideales más
grandes. Librese de esa situación
que lo limita estrechamente. Us-
ted puede hacer un comienzo nue-
vo ahora. El momento es muy
favorable. Aprovéchelo!

VIRGO- ago. 23 a sept. 22-Buen
día para reunirse con expertos
y discutir asuntos importantes,
en vez de oír lo que le sugiere
un conocido poco escrupuloso.
Haga lo que es correcto y jus-
to. Respete lo probado.

LIBRA- sept. 23 a oct. 22-Es
aconsejable que estudie bien lo
que un asociado astuto quiere
que haga. Entonces sabrá exac-
tamente cómo proceder. Más
tarde podrá divertirse en una
función social. Muéstrese entu-
siasista.

ESCORPION- oct. 23 a nov. 21-
Servir a otros como se lo mere-
cen demostrará ahora su verda-
dera devoción. Apartese de todo
lo que no sea bueno para usted.
Use la experiencia que ha ad-
quirido. Evite cambios radica-
les.

SAGITARIO- nov. 22 a dic. 21-
Haga todo lo que le produz-
ca placer a otros, pero no se
preocupe tanto sobre una cuen-
ta pendiente. Haga lo construc-
tivo sobre esto.

CAPRICORNIO- dic. 22 a ene. 19-
Trate de ser leal con un parien-
te que resiente lo que está ha-
ciendo un asociado que puede in-
terferir en su vida del hogar.
No vea hoy a esa persona. Tie-
ne que actuar muy diplomática-
mente.

ACUARIO- ene. 20 a feb. 18-In-
ve stigie sobre lo filosófico o en
cualquier cosa que requiera po-
der mental o espiritual. Deje a
un lado el trabajo de la casa y
concéntrese en elevar sus pen-
samientos e ideas.

PISCIS- feb. 19 a mar. 20-Usted
ha estado muy concentrado en los
asuntos pequeños y detalles en su
vida y ahora debe concentrarse
en las cosas grandes si quiere
tener más éxito. Reúnase con
algún hombre de negocios. Obten-
ga ideas.

SI SU HIJO NACE HOY.....
Será uno de esos individuos con
grandes deseos por las cosas
mejores de la vida, pero es im-
perativo que le enseñe desde
temprano a respetar los derechos
de otros.

SI SU HIJO NACE HOY.....
Será una de esas personas encan-
tadoras que pueden ver rápida-
mente como modernizar cual-
quier cosa y hacerla por lo tanto
más fructífera.

Tabaco...
FINO!
Humada...
PURO!

